



Dj.br: 07-03-122/24

Sarajevo, 28. 03. 2024.godine.

SINDIKAT ZAHTIJEVA ODGODU PRIMJENE PEDAGOŠKIH STANDARDI I NORMATIVA

Povodom donošenja novih Pedagoških standarda i normativa za srednje obrazovanje ("Službene novine Kantona Sarajevo", broj 10/24) i problema koji su nastali zbog njihovog stupanja na snagu, Kantonalni odbor Sindikata srednjeg i visokog obrazovanja, odgoja, nauke i kulture Kantona Sarajevo poziva resorno ministarstvo i Vladu KS da donesu **Odluku o prolongiranju njihove primjene.**

Kantonalni odbor SSVOONK-a BiH traži da se novi standardi i normativi primjenjuju nakon što se izvrši potpuno usklađivanje svih drugih akata koji korespondiraju sa Pedagoškim standardima i normativima, te da je sasvim realno da se primjena prolongira za školsku 2025/2026. godinu.

Razlog za ovakav zahtjev se ogleda u činjenici da nije moguće uskladiti pravilnike kojima je regulisana sistematizacija i unutrašnja organizacija radnih mjesta u roku propisanom zakonom da bi se ispoštovale odredbe Pravilnika sa kriterijima za proglašavanje radnika za čijim je radom potpuno ili djelimično prestala potreba u osnovnim i srednjim školama kao javnim ustanovama na području Kantona Sarajevo, koje određuju rokove za postupanje u školama.

S obzirom na činjenicu da je jedan od najvažnijih zadataka Sindikata zbrinuti radnike za čijim radom je djelomično i potpuno prestala potreba na način da im se osigura dopuna radne norme, a da su pedagoški standardi doneseni u vrijeme koje ugrožava taj naš zadatak, smatramo potrebnim i jednim logičnim rješenjem da se donese odluka o prolongiranju primjene.

Imajući u vidu uočene i nedostatke novih Pedagoških standarda i normativa, te činjenicu da Sindikat nije bio uključen u njihovu izradu, što predstavlja potpuno neshvatljiv i nelogičan potez nadležnog Ministarstva i Instituta, prolongiranje njihove primjene omogućilo bi i stvorilo priliku za korekcije i bolju pripremljenost u budućoj implementaciji.

SSVOONK BiH Kantona Sarajevo je uvijek bio i bit će spreman za saradnju i dijalog kojim bi se prevazišli problemi, posebno u situaciji kao što je ova, u kojoj će se škole, ukoliko se primjena Pedagoških standarda i normativa ne prolongira, naći u prekršaju i eventualnom sudskom sporu.



PREDSJEDNIK

Admir Šuvalić

Obala Kulina bana1, 71 000 Sarajevo, Bosna i Hercegovina

Tel: +387(0)33 217-844, tel/fax: +387(0)33 217-844

E-mail: ssvoonkbihkoks@gmail.com, web: <http://www.ssvoonkbihkoks.com.ba/>

Transakcijski račun: UniCredit Bank dd Sarajevo broj: 3389002206216219

ID broj: 4200168330069